

中國方志叢書·華中地方·第八九四號

據

清·朱慶譽等修，黃大承等纂
清同治十一年刊本

影印

江 西 省

新昌縣志

(五)

成文出版社有限公司印行

新昌縣志卷之十七

人物志 宦業

宋

江湘嘉熙己亥知上高博學工文練達治體始至請
於安撫吳困蠲積逋六萬餘緡前此民以賦急借
青苗田租數十石湘至賦不違期無復預借庚子
春荒發倉平價賑糶民賴以活贈學有田無告有
養葺廨舍創傑閣新浮橋築陂堰廣灌溉旣去官
士民思之特廟以祀考績升筠州州

雷作字天起官筠州錄參時捕訊者獲茶商十餘人
誤為真盜作理出之太守尹機悅甚以府事屬
薦其才於朝作力求歸以承務郎致仕加承奉郎
趙像之字明則紹興戊辰進士天性嗜學致忘寢食
授臨川司戶較士廬陵得周益公楊誠齋仕至軍
器少監詩文平淡簡遠性復清介持節秉麾家猶
宋寒素云

人熊良輔字子用嘉定癸未進士祖諱仔開封人建炎
間歷仕中奉大夫因給俸筠州姪崔氏遂家新昌

良輔仍以開封籍舉進士第任潛陽令廉惠有聲
經畧趙方保奏辟知光化軍轉武功大夫知辰州
秩滿惟載福壽二字碑以歸

蔡志學字及之淳祐七年進士初調贛州興國簿憲
使李迪愛其才檄入僉幕按法訊讞民稱不冤調
湖廣武昌軍掌書記授太和令再調清江倅知高
郵終朝奉郎自號如心居士

明

劉彥銘名硯以字行號如愚天寶鄉人洪武戊辰徵

賢良入京詔試吏部署學通今古才堪臬司授刑
部主事聽察廉辨明慎法律期月出無辜囚千數
百人獄無冤滯未幾卒於官

萬原吉天德鄉人庠生永樂五年入京值安南初平
改名交趾設立郡縣吏部選才品堪充知縣者百
餘具奏原吉與焉補順化府蒲台知縣莅任分疆
域爲八鄉擇老成樸直八人克鄉正勇壯者副之
凡冠婚喪祭禮悉教之與內地同安撫六年官民
相安

蔡錦字廷重號東峯縣治人嘉靖戊子舉人山東東

平州學正崇祀名宦

熊尹臣號繼山縣治人嘉靖壬子舉人任湖廣慈利

縣教諭陞福建連江知縣擒倭有功御史李邦珍

上其事於朝以直忤上官遇其賞調湖廣嘉魚縣

升楊州府通判

漆元中字維嵩號鍾吾縣治人嘉靖舉人初合湘鄉

有主粟使者臨邑凌轢長吏漕卒橫索鄉賦人人

色沮元中獨抗顏力爭使者言於上官改元中海

教諭當路重其賢委署崇德桐鄉兩篆並著賢聲未幾拂衣歸

馮文盛字士蒙號念雲縣治人萬厯舉人新建教諭聘四川同考官號得人陞四川高苑知縣清水利給牛種升南大理評寺正持法不阿出知雲南廣南府撫按廉其品委署大理府府本金穴也文盛爲草宿弊不受一錢人多甘介丁艱服滿補岳州府治濱洞庭多盜悉心防堵民賴以安擢貴州兵備副使楚中忌者有言遂拉辨歸

李汝安號鎮峯萬厯五年拔貢廣東新安主簿四德
化知縣累官楚府紀善

肯賜花幣匾額以示優禮

劉幹正字子積號懷朋天寶鄉人萬厯乙酉舉人授
當塗教諭升浙江松陽知縣下車以息訟爲先有
訟者曉以義理令自愧悟遣之去頽宮傾圯捐
俸倡修鼎建

收聖祠時萬厯卷後萬厯劉幹正厚恤復其家有狐禪師徒
眾雲集騷動鄉里漸露亂萌亟命逮至杖於市逐

其徙邑賴以安陞雲南祿勸州知州政聲丕著松
陽祿勸皆有德政碑

羅子昂字愧立號四虛義釣鄉人萬厯戊子舉人壬
辰癸丑兩科會副授蕪湖教諭督課諸生一科鄉
捷五人前此未有也升蒙城知縣縣城卑下常被
淹子昂於最洼處開沼數十以瀦水旱亦不涸民
德之呼曰羅公沼循良聲聞於

上擢升廬州府推官因會訊盜案冒風雪被疾卒蒙城祠
祀之

蔡侃賢字毓和號發明縣治人萬曆壬子舉人任貴
溪教諭擢山東萊州推官改廣東南雄府推官摧
稅太平關兩次溢額巡道劉公委攝樂昌縣篆率
管兵鄉勇堵截隣寇鍾陵秀賊兵遂越樂昌攻韶
州單騎請援督兵攻之以勞瘁致病推陞甯國府
同知未赴任遽卒

上聞之

詔予卹典南雄紳民感其功德爲立專祠祀之併崇祀廣

東名宦

劉之化字雲從縣治人萬厯壬子舉人任新城教諭
升湖廣彬州知州雷連猺叛攻陷宜章等城奉檄
討平之定其地奏聞

賜名新附縣擢陞兵備道未任卒

漆園字非周號劒潭縣治人崇正甲戌進士授福建
福清知縣著廉聲以勦海寇功優擢丁內艱歸服
滿補順天寶坻縣調繁密雲撫按會薦行取遭外
艱歸乙酉

詔起補兵部主事生平負性方介有恥爲苟同之概同列

國朝

敬之

鄒懋官字御三號逸菴天寶鄉人康熙癸卯舉人授
福建武平知縣到任卽滅火耗銀舊例有上司公
費按畝攤派亦革除之丙子大飢據實申報開倉
賑濟吏請俟批回懋官曰若候府批吾民死過半
矣卽出粟散賑民慶更生素嗜問學居官尤留心
文教公暇課士文風大振邑界江粵山藪易蕪奸
宄大盜號六爪者前任皆莫能制擒治之搃其巢

穴盜許以千金却之卒寘諸法自是永無盜患以
母老告終養歸

蔡騰蛟字瀚升縣治人康熙癸卯舉人夙具智謀勇
於任事乙卯寇亂同弟象蚪勦賊有功議叙補浙
江開化知縣縣人困浮丁據情詳免得豁免二千
餘金民德之

蔡孟瞻字耕方號沔廬縣治人康熙庚午舉人官湖
南甯鄉知縣天性孝友父卒教育諸弟皆得成立
令甯廉明果決釐剔弊政昭雪冤獄甯人驚爲神

念竇文風卑陋登科甲者甚鮮公暇進諸生於庭
講授文藝由是陶士伋陶士僨先後成進士在任
數載不名一錢去官時清風兩袖而已

劉之英字及千號果菴天寶鄉人康熙癸酉舉人授
廣西桂平知縣民苦積逋捐俸代輸歲饑請糴隣
邑減價以糴復設廠賑粥桂平俗無麥給以麥種
親赴鄉村教以種法兼督課之民喜呼爲劉公麥
去官後士民皆立祠以祀歲薦新麥云

席泰字階平號棠江新安鄉人康熙壬午舉人揀發

山東知縣辦理差務委署地方均稱職丁母憂巡撫岳濬題請留任守制委署厯城首邑值水災捐米賑粥隨署濟陽辦理續賑稱善補安邱疏通東鄉積水出地六萬餘畝百姓勒石紀之曰席公河調繁壽昌親催積欠輸將恐後因案牘煩稠積勞成疾乞假歸時捐修宗祠并捐穀二百石存祠周貧乏族人賴之

熊允字公信號覺齋縣治人康熙丁酉舉人任山西芮城知縣捐建義學月一課士歲饑設法賑濟民

賴全活先是苗有疑獄積久不決允虛中讞鞫得
受誣狀竟釋之其人感而力學遂領鄉薦乃繪公
像祀於家告歸後倡修宗祠立族課親衡甲乙約
族捐穀以備歲歉利濟之心尤足稱云

劉伯興字友侯號逸亭天寶鄉人乾隆戊午舉人乙
丑進士授刑部河南司主事轉浙江司主事改湖
南直隸州郴州知州伯興爲人寡言笑重然諾在
部時平反疑獄輒有特見知郴州清慎平恕所屬
五邑未嘗有積案引

見奉

旨以同知補用未幾卒

漆以杜字瀛先號惺堂縣治人乾隆壬申舉人甲戌
會試以明通授福建屏南知縣先署閩清連江縣
護理建甯漳州同知清廉勤慎有賢聲連邑江水
爲患民皆病涉捐廉創建浮橋無絲毫累民合邑
永賴連民建祠以祀請公誕辰每歲慶祝公卻之
令毀其祠

漆雲騏字驪青號蘭亭縣治人乾隆癸酉舉人分發